

凝結太空彌覆无極字方一丈八角垂芒莫知其理二炁混
沌而包藏玉字至龍漢開劫元始天王分隸二炁混沌開先
炁清高澄成天炁降積滯成地二炁分合中有和炁名曰元
炁亦曰大梵之炁至赤明劫元始開圖中有真陽之炁化爲
洞陽之火元始運洞陽之火治鍊三炁混和玉字而成赤文
因而劫號赤明文號赤書玉字是也自三炁成文火鍊爲赤
書光明之炁陽光之精爲日靈光之精成月餘光布散分爲
萬象三炁之神分爲三清之聖自後萬範皆出萬彙皆生莫
非立元始三炁也至開皇劫分隸三炁化生諸聖至上皇劫
五劫同啟五行全形化生諸天應五劫之內產生玄中之精
精中之神故曰上皇劫自五劫開化之後玉清洞真上清洞
玄太清洞神三洞之經四輔符籙皆因赤書玉字而化稟靈
寶之炁而成火鍊成文爲赤書玉字之後元始命天真皇人
書於其文名八威龍文亦曰諸天八會之書祕於上清玄都
金闕七寶瓊臺紫微上宮蘭房金室東西華堂九天太霞之
府也

昇玄章

元綱流演三十二天

二十八宿訣東七宿自辰上起角亢左行卯上氏房心寅上
尾箕挑北七宿自丑上起斗牛子上女虛危亥上室壁挑西

七宿自戌上起奎婁酉上胃昂畢申上觜參挑南七宿自未上起井鬼午上柳星張巳上翼軫挑

輪轉无色周迴十方旋斗歷箕

自丑至子文上四指中文過中指中文復至丑文從子歷亥循至寅文挑

迴度五常

金木水火土五星也

三十五分

日月五星二十八宿是也

總炁上元

坎兌離震中文斜抹至亥文挑

道藏輯要

度人經法

平

九集七
川。川

元綱者元炁之綱也明此梵炁演布三十二天輪轉无色之境周帀十方自斗罡左旋經歷箕星迴運日月五星二十八宿之分總入上元金闕之門

龜山丹皇紫文空洞靈章曰紫炁左迴與斗連歷度四七入

金門

明於元綱流演圖中

八景冥合炁入玄玄

冥合玉清八景之天炁入玄中之玄大梵天中之天也

元綱流演法

玄師曰西龜之山一曰龍山言木之道也金母居之言金之體也乃九炁之根紐人之九宮之根也紐黃炁之淵府乃梵

炁之宮上之正府也在天西北亥子之地嬰孩之生根也周
迴四千萬里是不知其極出常數度量之外也高與玉清連
界上通腦也脉通玉帝宮東南接丹陽之霞上承青宮神虎
之門接通肺炁也又與大胃交通矣西北交寒穴之野上通
金闕神仙之庭與腎宮便穴交炁也南極太丹浮黎之鄉炁
協洞陽之光協於心也北指勾陳交關華蓋炁踐廣靈踐中
黃宮中央上衝玉京二十四節重樓十二也八達交鋒平天
三十萬里三炁之會也湧金爲墻結玉爲門眞土玉液之闕
也金臺玉樓同前議也九宮三田十二神室也上有流精紫
闕金華之堂瓊瑤之室傍通五穴卽是集五臟之精會門也

道藏輯要

度人經法

全

元集七
X二二

有自然紫雲之炁交帶鳳文九色落陳四肢八脉五臟六腑
赤華紫英五內生炁也崖生紫桂嶺秀瓊林結瑚爲條植玉
爲根鸞林含實赤紫白環炁行无庇而生此寶也三華曜葩
於朱景返香流芳於太玄內視三明五香生五炁也八炁扇
飈以長鼓玉籟空唱而成音內之无器之音也龍擘雲樓鳳
嘯絕岑毒獸萬羅長蛇千尋神宮堂堂仙靈紛紛巍巍元館
觸類吐津蓋元始之妙化實天元之靈根

此卽大行梵炁周迴十方也與東向誦經位次圖向背不同


元網流演圖

北

斗象 箕 天 紫 天 天
 牛 越 衡 天 碧 天 天
 女 摩 吏 天 墨 天 天
 虛 天 天 天 天 天 天
 危 平 直 天 赤 天 天
 室 何 重 天 青 天 天
 壁 王 定 天 綠 天 天

東
 箕 恭 華 天 黃 天
 尾 宗 鳳 天 綠 天
 心 皇 笏 天 青 天
 房 堂 曜 天 赤 天
 氏 端 瑤 天 蒼 天
 九 恭 慶 天 黑 天
 角 樞 璣 天 碧 天

乾 皇 崖 天 白 天
 翼 極 風 天 黃 天
 張 孝 芒 天 綠 天
 星 容 天 青 天 南 全 三



朝元

西禮曰禮曰元氣無極
 皇極大極果。欲界在西北之
 外之野上通神仙宮殿心極

西
 參元洞天紫炁
 紫妙成天白炁
 畢禁上天黃炁
 昇常融天綠炁
 胃玉隆天青炁
 雙梵度天赤炁
 奎賈奕天蒼炁

柳江由天赤炁
 鬼阮樂天蒼炁
 井臺蒼天黑炁引呵

又法曰元綱流演比喻人身與天流演者同人之元炁發自明堂宮右腎命門上爲九天之根屬西北乾方紐太淵府黃炁上入於心心屬火絳宮左旋流循腦後風門玉枕宮循入左目日宮右旋下歷東北箕宿足少陰大指流轉一身周迴一帀旋轉右肩係无色界纏入右日月宮然後迴度五常從三十五分脊骨流入下丹田左腎水宮衝入肝木纏脾土中丹田次過肺金宮從十二重樓喉管通至泥丸宮上丹田顯門靈谷總出上元所謂上通金闕之庭三宮昇降上下往來无窮不息蓋人以經絡炁周於一身一日一夜百刻之中呼吸昇降計一萬三千五百息大會於風府者也脉屬陰陰行

道藏輯要

度人經法

卷

九集七
三十八

速猶太陰一月一周天息屬陽陽行遲猶太陽一年一周天如人之息脉元炁則應天之常度也陰陽順則流演循度陰陽和則天和脉息和則人和也

契玄章

玄中太皇上帝高真

玄師曰玄中太皇者此西元王母八景玄妙之祖炁亦曰丹皇君乃上帝之道君上皇之聖真

泛景太霞嘯詠洞章

居西元太霞之府嘯詠空洞靈章以生其萬炁也

金真朗郁流響雲營